



AMRI SAHARI DILANTIK CEO BAHARU MSM

KUALA LUMPUR, JULY 12, 2016 – MSM Malaysia Holdings Berhad (MSM), peneraju pengeluar gula bertapis terbesar negara dan anak syarikat kepada Felda Global Ventures Holdings Berhad (FGV), mengumumkan pelantikan Mohamad Amri Sahari @ Khuzari sebagai Presiden/Ketua Pegawai Eksekutif Kumpulan, bermula 12 Julai 2016.

Mohamad Amri, yang kini berkhidmat sebagai Timbalan Ketua Pegawai Eksekutif MSM, menggantikan Allahyarham Dato' Sheikh Awab Sheikh Abod yang meninggal dunia pada 14 April 2016.

Mohamad Amri, dikenali dengan pegangan nilai teras yang kukuh telah berkhidmat selama 27 tahun bersama Kumpulan FELDA dan MSM dan juga telah memainkan peranan penting dalam usaha meningkatkan prestasi Syarikat terutamanya bidang operasi, dasar, strategi, pertumbuhan dan keuntungan.

"Saya amat berbesar hati dengan pelantikan ini dan ia menjadi keutamaan saya untuk memastikan wawasan yang ditetapkan oleh Allahyarham Dato' Sheikh dicapai," berkata Encik Amri. "Saya percaya kepada kekuatan warga kerja, jenama, produk-produk dan nilai MSM. Ia adalah suatu keistimewaan untuk memimpin Syarikat ke arah kemajuan dan mampu meraih keuntungan supaya nilai pemegang saham dipertingkatkan."

Mohamad Amri memulakan kerjayanya sebagai Jurutera Kilang dengan Felda Palm Industries Sdn. Bhd. pada tahun 1989 dan dinaikkan pangkat kepada Pemangku Pengurus Besar, Perolehan, Bekalan dan Perkhidmatan dalam syarikat yang sama. Beliau kemudian dilantik menjadi Ketua Pegawai Eksekutif MSM Perlis Sdn. Bhd. pada tahun 2004.

Beliau juga berperanan penting merealisasikan penyenaraian MSM Malaysia Holdings Berhad di pasaran utama Bursa Malaysia pada tahun 2011 dan seterusnya dilantik sebagai Timbalan Ketua Pegawai Eksekutif sebelum dinaikkan pangkat kepada Presiden/Ketua Pegawai Eksekutif Kumpulan.

Mohamad Amri mempunyai kelulusan dari Universiti Teknologi Malaysia (UTM) dan South Dakota State University, Amerika Syarikat dalam Ijazah Sarjana Perniagaan dan Pentadbiran (Pengurusan Strategik) dan Ijazah Sarjana Muda Sains (Kejuruteraan Mekanikal).

Sewaktu bertugas sebagai Timbalan Ketua Pegawai Eksekutif, beliau mengetuai inisiatif strategik Syarikat dan usaha pembangunan perniagaan. Beliau juga membina pasukan kepimpinan yang mantap dan memacu hasil prestasi berkualiti tinggi.

Ahli Lembaga Pengarah MSM menambah, "Dengan sukacitanya, Lembaga Pengarah mengucapkan tahniah kepada Encik Amri dan yakin beliau akan meneraju fasa-fasa penting dalam membina syarikat MSM."

-TAMAT-

Tentang MSM Malaysia Holdings Berhad (MSM)

MSM Malaysia Holdings Berhad (MSM), diperbadankan pada 10 Mac 2011 selaku peneraju pengeluar gula Malaysia. Ia telah disenaraikan di Papan Utama Bursa Malaysia Berhad pada 28 Jun 2011 dan telah muncul sebagai salah satu daripada 50 syarikat utama yang disenaraikan di Bursa Malaysia dengan modal pasaran sebanyak RM3.5 bilion (sehingga 2015).

Secara dasarnya, MSM mengoperasikan perniagaan gula Felda Global Ventures Holdings Berhad (FGV). MSM menghasilkan, memasar serta menjual produk gula bertapis. Syarikat ini juga menjalankan perniagaannya menerusi dua buah anak syarikat iaitu MSM Prai Berhad dan MSM Perlis Sdn. Bhd. yang telah ditubuhkan pada 1959 dan 1971. Tambahan lagi, MSM juga mengendalikan syarikat logistiknya sendiri - MSM Logistics Sdn. Bhd. Pada Oktober 2015, MSM Trading International DMCC, berpengakalan di Dubai, EAB ditubuhkan untuk melaksanakan aktiviti dagangan gula Kumpulan.

Kini, MSM memiliki kapasiti pengeluaran gula tahunan yang mengagumkan iaitu 1.25 juta tan gula bertapis. Pada 2015, MSM telah menghasilkan 1,033,519 tan gula bertapis, rekod tertinggi dalam sejarah syarikat dan 17% adalah untuk memenuhi permintaan pasaran eksport. Pada masa ini, MSM kekal menguasai bahagian pasaran domestik sebanyak 65%.

Syarikat juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produksinya. MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan pengedarnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari www.msmsugar.com

Untuk pertanyaan media, sila hubungi:

Siti Noorbaya Mohd Yunus

+603 2181 5018 ext. 158

+6016 677 6118

noorbaya.my@msmsugar.com

Muhammad Aniz Mohd Azmi

+603 2181 5018 ext. 211

+6012 289 3294

aniz.ma@msmsugar.com